




Broj:
Sarajevo, 11.12.2020. godine



PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
n/r predsjedavajuće, gđa. Borjana Krišto

PRIMLJENO: 14-12-2020			
Organizaciona jedinica	Klasifikaciona oznaka	Redni broj	Broj strana
01-	50-1-	15-15	20

Na osnovu člana 166. i 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19 i 26/20), postavljam ministru za ljudska prava i izbjeglice Bosne i Hercegovine sljedeće

POSLANIČKO PITANJE

Dana 10.12.2020. godine Vijeće ministara BiH je dostavilo odgovor broj: 05-50-1-2795-2/20 od 03.12.2020. godine na moju poslaničku inicijativu koju je Predstavnički dom PSBiH usvojio na 12. sjednici, održanoj 15.09.2020. godine, a kojom "Predstavnički dom Parlamentarne skupštine BiH zadužuje Vijeće ministara BiH, odnosno nadležno Ministarstvo za ljudska prava BiH, da u roku od 30 dana od dana usvajanja ove inicijative realizuje Odluku 854/2017 UN-ovog Komiteta za borbu protiv torture (UNCAT) iz augusta 2019. god., što je jedan od prioriteta iz Mišljenja Evropske komisije o zahtjevu BiH za članstvu u EU".

U navedenom odgovoru Vijeća ministara BiH stoji da je "Ministarstvo za ljudska prava BiH sačinilo Informaciju za Vijeće ministara BiH o obavezama vlasti BiH o poduzetim aktivnostima u vezi Odluke usvojene od strane UN komiteta protiv torture i drugih surovih, neljudskih ili ponižavajućih kazni i postupaka, a koji se odnose na predstavku broj: 854/2017". S tim u vezi, a imajući u vidu da Vijeće ministara BiH u odgovoru de facto priznaje da nije realiziralo ovu obavezu, interesuje me kada zaista možemo očekivati izradu sveobuhvatnog plana mjera i aktivnosti u vezi sa implementacijom Odluke usvojene od strane UN komiteta protiv torture i konkretne nosioce aktivnosti? Podsjećam Vas kao resornog ministra i odgovorno lice u Ministarstvu za ljudska prava i izbjeglice BiH da je Predstavnički dom PSBiH ovu inicijativu dostavio Vijeću ministara BiH, odnosno nadležnom Ministarstvu za ljudska prava i izbjeglice BiH "radi realizacije", a ne radi davanja odgovora. Naime, inicijativu je usvojio Predstavnički dom PSBiH na svojoj sjednici i ona time postaje obavezujuća za Vijeće ministara BiH u skladu sa članom 34. Zakona o Vijeću ministara BiH koji propisuje da "Vijeće ministara BiH za svoj rad odgovara Parlamentarnoj skupštini BiH" i članom 150. Poslovnika koji propisuje da "Vijeće ministara BiH odgovara Domu za predlaganje i provođenje politike i primjene zakona, drugih propisa i odredbi čije je provođenje dio njegove ustavne i zakonske nadležnosti", a poslanici imaju prema članu 8. Poslovnika "pravo inicirati usvajanje, izmjene ili dopune Ustava BiH, zakona i drugih akata, kao i primijeniti druge postupke sadržane u poslovniku".

S poštovanjem,

Alma Čolo